

**SAMARBEIDSAVTALE MELLOM  
UNGT ENTREPRENØRSKAP SOGN OG  
FJORDANE  
OG  
SOGN OG FJORDANE FYLKESKOMMUNE**

**2019**



## **1. PARTANE**

Partane i denne avtalen er Sogn og Fjordane fylkeskommune (SFFK) og Ungt Entreprenørskap Sogn og Fjordane (UESF).

## **2. FØREMÅL**

Føremålet med denne samarbeidsavtalen er å definere felles mål og retning for det vidare arbeidet med entreprenørskap i grunnskule, vidaregåande skule og høgskule i avtaleperioden. Partane si rolle og plikter i avtaleperioden vert også definert.

Avtalen skal ikkje detaljregulere arbeidet, men partane er samde om nokre prioriterte oppgåver for avtaleperioden. Det vert sett av eit rammetilskot, samt omtala krav for at dette skal bli utbetalt.

Avtalen skal støtte opp om eit positivt og konstruktivt samarbeid, med tydelege og føreseielege rammer. Gjennom avtalen ynskjer ein også å sikre tett dialog og tett kopling mot anna relatert arbeid.

## **3. VIDAREUTVIKLING AV ARBEID SOM ER SETT I GANG**

Arbeidet er forankra i regional plan for verdiskaping, regional plan for klimaomstilling, og Mot nye høgder! Handlingsprogram 2018-2019 for opplæringssektoren. Grunnlaget for arbeidet er Ungt Entreprenørskap sin strategiplan.

Verdiskapingsplanen slår fast at det er viktig å arbeide vidare med haldningsskapande arbeid for å få fleire til å satse på eiga bedrift, frå barnehage til høgskule. Ungt Entreprenørskap har ei sentral rolle i dette arbeidet.

Ungt Entreprenørskap Sogn og Fjordane er ein del av ein landsdekkande organisasjon der visjonen er at "UE skal inspirere unge til å tenke nytt og til å skape verdiar". Arbeidet skjer i eit omfattande partnarskap mellom offentlege og private aktørar. UE tilbyr program på tre nivå, ungdomsskule, vidaregåande skule og høgskule.

I løpet av avtaleperioden skal eksisterande satsingar vidareførast, og styrkast. Satsingane skal tilpassast situasjonen og behovet i Sogn og Fjordane, og det skal framleis vere kvalitet i satsingane.

## **4. HOVUDPRIORITERINGAR I AVTALEPERIODEN**

I tillegg til vidareutvikling av eksisterande satsingar skal følgjande område ha eit ekstra fokus i avtaleperioden:

- Alle kommunar bør delta i eitt eller fleire av UE sine program.
- Det skal i avtaleperioden arbeidast for at så mange kommunar/ skular som råd skal ha ein plan for sitt entreprenørskapsarbeid.
- Det bør vere ungdomsbedrifter og entreprenørskapsaktivitetar på alle vidaregåande skular.
- UE gjennomfører innan 1.februar 2019 kurs for å gje opplæring i gjennomføring av programmet «frå utdanning til jobb» arbeidslivskontaktane på dei vidaregåande skulane. Kurset har som siktemål at alle arbeidslivskontaktane i framtida skal kunne gjennomføre programmet på eigen skule.
- UESFJ skal som del av avtale fortsette arbeidet med å setje klimautfordringane på dagsorden, og gjennom eigen aktivitet i heile fylket bidra til å utvikle nye innovative, klimavenlege og berekraftige løysingar og verksemder. Grøn innovasjon og grøn konkurransekraft i eit samfunn i endring.
- Bærekraftsatsinga i UE skal vidareutviklast, både for elevbedrift, ungdomsbedrift og studentbedrift. Dette skal gjerast i samarbeid med UE Norge, UE Hordaland, skular og kommunar.
- Saman med energiselskap lokalt og UE Norge utvikle og gjennomføre det som skal vere mal for fornybar energi etter ENOVA, samt tilpasse bærekraftsatsing til yrkesfag.

- Saman med dei vidaregåande skulane og World Skills skape ein større arena / møteplass for ungdomsbedrifter.
- Tett oppfølging av studentbedrifter ved Fagskulen i Førde og HVL
- Basert på nyare forskning vidareutvikle tverrfagleg innovasjonscamp på HVL
- Det skal framleis vere brei deltaking frå arbeids- og næringsliv i UE sine aktivitetar.
- UE skal prioritere satsingar og næringar som vert trekt fram som særleg viktige i fylkeskommunen sine strategiar. Satsingsområda i verdiskapingsplanen, reiseliv, industri, landbruk, kunnskap, fornybar energi, sjømatnæringar, olje og gass og arbeidet med nyskaping og entreprenørskap er sentrale. Å bygge opp under satsing på grøn omstilling og samarbeid mellom bransjar skal prioriterast.
- Kompetanseheving av lærarar/møteplassar
- Legge til rette for samarbeid mellom relevante aktørar/organisasjonar
- Bidra til god samanheng mellom Ungt Entreprenørskap sitt arbeid og arbeidet til kommunane og Innovasjon Norge sitt tiltaksapparat

## **5. FINANSIERING**

Det vert lagt opp til ei rammeløyving frå fylkeskommunen på 950 000 kr for 2019. 900 000 kr. er dekkja av næring og kultur sitt budsjett, og 50 000 kr. er dekkja av midlar sett av til klimasatsing under fylkesrådmannen og plansjefen sitt budsjett.

Rammeløyvinga skal finansiere eksisterande arbeid som skissert i punkt 3 og vidareutviklinga av dette. Rammeløyvinga skal også dekke prioriterte satsingar jf. punkt 4. Rammeløyvinga skal også dekke evalueringar av arbeidet, som er naudsynte for å sikre vidareutvikle arbeidet.

Midlane til klimasatsing er øyremerkta til klimaprisar, høve til å sende ei bedrift med tyngde innan klima, berekraft og miljø til NM for ungdomsbedrifter. Samt føredrag om sal og marknadsføring i eit berekraftperspektiv.

Medverknad frå private (økonomisk og gjennom arbeidsinnsats) må synleggjerast i budsjett og rapportering.

For at støtta skal kunne bli betalt ut er det krav om at punkta i denne avtalen vert følgt opp.

## **6. RESULTAT**

Ungt Entreprenørskap skal saman med samarbeidspartane arbeide for å synleggjere resultatata frå arbeidet. Årsrapporten er grunnlaget for resultatrapporten, men det skal også leggjast vekt på å presentere gode og konkrete døme frå arbeidet.

## **7. RAPPORTERING, DIALOGMØTER OG UTBETALING**

### Årsrapport, handlingsplan og budsjett

Årsrapport skal leverast innan 15. mars påfølgjande år. Årsrapporten skal seie noko om arbeidet som er gjort innan dei ulike satsingsområda, og særleg korleis hovudprioriteringane i denne avtalen er følgt opp. Særleg utfordringar og moglegheiter innan arbeidsområdet skal omtalast. Resultata skal vurderast opp mot strategiplan, og årlege handlingsplanar.

Vedlagt årsrapporten skal følgje rekneskap som er sett opp i samsvar med tidlegare innsendt budsjett. Det skal også leverast budsjett og oppdatert handlingsplan for gjeldande år.

### Utbetaling

Når rapport for tidlegare år er godkjent og handlingsplan for året er sendt inn, kan 75 % av årets løyving betalast ut. Dei siste 25 % vert betalt ut når årsrapport er levert og godkjent.

Det er ein føresetnad for utbetaling at arbeidet er utført i skissert omfang.

### Drøftingsmøte

Det skal vere årlege administrative dialogmøte mellom fylkeskommunen og Ungt Entreprenørskap

innan 15. april kvart år. Dialogmøta tek utgangspunkt i rapport for det føregåande året. Det skal også vere årlege orienteringar til hovudutval for opplæring og hovudutval for næring og kultur. Fylkeskommunen har ansvar for å kalle inn til møte og orienteringar.

#### **8. ENDRINGAR I AVTALEN**

Mindre endringar i avtalen kan skje, men skal då godkjennast av begge partar.

For fylkeskommunen

For Ungt Entreprenørskap

Jan Heggheim

Holger Aasen

fylkesdirektør for næring og kultur

dagleg leiar